

3 de mayo 2009 - Valle Hermoso

RAYMIRIKUNACHIK

# "Santa Vera Cruz Tatala raymi uywata mirachinanpaq"



Nuqapis  
Tata Cruzmanta  
sumaq puquy  
kananpaq  
mañarikuchkani



## ¿TAKIRIKUNA?

Santa Vera Cruz  
tatala ancha  
cuentestero kanki.  
Ch'isi tunamusqaytapis  
mamayman  
willaykusqanki.

# #

Santa Vera cruz  
tatala qhilla qhilla  
nillawanki qanllama  
chay qhilla kanki,  
pirqapi ch'iparayaspa  
puñuchkanki.

"Tataywan jamuni,  
Tatalamanta  
wakasniyku  
mirananpaq  
mañakuchkani"

## "Waka mirananpaq mañakuq jamuni"

Tata cruzman sapa watachu jamunki?  
R.- Sapa watapuni jamuni á.

Imata mañakuqtaq jamurinki?  
R.- Tatalamanta wakasniy mirananpaq  
mañakuq jamuni.

Chaypaqchu wanunta lawrachichkanki?  
R.- Ari, wanunta lawrachichkani,  
mañakuspa.

Imatawan runa mañakuyta yachan?  
R.- Waynuchukunaqa wawata  
mañakuq jamunku, wankinri allin wata  
tarpuy kananpaq mañakullankutaq.

Qanri wakasraykullachu jamunki?  
R.- Kapullawantaq pilis, quwis, wallpas  
tukuy ima, paykunapaq  
mañapullanitaq.

Takiriyta yachankichu?  
R.- Joven kachkaspa sumaqta takiriq  
kani, kunanqa manaña.

Ajinata willariwanchik mama Vicenta,  
payqa pusaq chunka ukniyuq  
watayuq kachkan. Cochabamba.

Kimisa  
3



"Nuqapis Tata  
Cruzman mamaywan  
vela lawrachikuq  
jamuni, uywakuna  
mirananpaq".

